



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 35. Rex in Senatu se cædis caussam extitisse fassus.

[urn:nbn:de:hbz:466:1-67232](#)

Sæcul. XVI. „ratione comprobet; sic enim rerum
A.C. 1572. „arbitrium sibi assumere, & inde Gui-
„sianos exarmare, indeque Momoran-
„tianos, quo minus arma sumant, præ-
„pedire, & postremo efficere poterit,
„ut Protestantium res jam satis afflictæ
„a caussa Momorantianorum separen-
„tur, rei vero invidiam extimescere
„non deceat.,,

§. XXXV.

*Rex in Senatu se cœdis cauſam ex-
ſtitiffe fassus.*

Thuan.
p. g. 826.
Daniel hist.
de France
tom. 6.
pag. 404.
Mezeray
l.c. p. 256.

His rationibus expugnatus Rex fe-
ria tertia die vigesima sexta Au-
gusti unacum Andegavensi, & Alen-
fonio Ducibus Fratribus suis, necnon
Navarræ Rege, aliisque Proceribus ad
Senatus Curiam perrexit, ac pro tribu-
nali sedens de injuriis gravissimis, quas a
Caspare Colinio, sceleratisque hominibus
Religionis nomen falso prætexentibus
jam a puero accepisset, questus, se tamen
eas publicæ tranquillitati conditis pa-
cis edictis condonasse ajebat: „Coli-
„nius vero, prosequebatur Rex, ne quid
„ad suum scelus reliqui faceret, etiam
„conjunctionem in me, Reginam Ma-
„trem, fratres meos, & in ipsum etiam
„Navarræ Regem, quamvis hic ean-
„dem cum illis sectam profiteretur, de-
„lendos iniit, ut Condæum adolescen-
„tem

„tem Principem in Regem crearet, Sæcul.XVI.
„quem & ipsum postea interficere de- A.C.1572.
„creverat, ut seipsum, cum regia fa-
„milia extincta foret, usurpato Regno
„Regem constitueret: hanc igitur pe-
„stem, licet invitus, cum tamen ali-
„ter non possem, contraria peste extin-
„guere, atque in extremis periculis
„extrema remedia adhibere coactus fui,
„ut impuram illam contagionem ex
„Regni mei visceribus extirparem: om-
„nes itaque intelligent, quicquid illa
„die in supplicio de similibus sumpto
„actum est, meo id imperio, & man-
„dato actum esse, ut omnia tam de-
„testandæ conspirationis mala præver-
„terem. „

Postquam Rex suum sermonem ab-
solverat, Christophorus Thuanus pri-
marius Præses, ac noti historici paren-
oratione tempori accommoda Regis
prudentiam plurimum exaggerabat: fi-
nito autem ejus sermone Guido Faber
Pibracius Fisci Præfectus e sede sua
furgens a Rege petiit, an velit, ac ju-
beat hanc declarationem in publica Cu-
riæ acta ad conservandam rei memo-
riam referri, sacrumque Ordinem, nec-
non Justitiæ Ministros, de quorum de-
pravatione nuper questus sit, emendari:
insuper idem Pibracius postulabat, ut

D 4

Rex

Sæcul XVI. Rex præciperet, quatenus cædibus, &
A.C. 1572. rapinis finis imponatur: ad hæc Rex re-
spondit, quod primum caput præcipiat,
de altero autem se curaturum spopon-
dit: ad tertium denique reposuit, quod
publico præconio per omnia Urbis com-
pita edici jamjam mandarit, ac iterat-
is jussis etiamnum injungat, ut a cæ-
dibus, ac rapinis in posterum absti-
neatur. Hæc Regis declaratio in pleno
Senatu facta multos attonitos habuit,
unde Thuanus primus Præses, cum pe-
riculum ex ea impendens vereretur,
ea, qua erat, animi libertate, in ar-
cano Regem increpabat, ac maxima
sinceritate clam magis, quam publice
eidem exponebat, quod tamen et si con-
juratio a Colinio, & suis inita omnino
vera esset, ipse potius juris remedio, quam
publicæ violentiæ severitate contra il-
los uti debuisset.

Ceterum solemnes habebantur sup-
plicationes, quibus populus certatim
confluens, ac ipfem et Rex cum omni-
bus Aulicis Deo grates rependebant
pro felici successu ejusmodi consilii, quod
tamen Franciam ignominia, ac dede-
core affecit, & ipsi cœlo, cunctisque
probis hominibus abominationi fuit:
insuper monetæ cudebantur ad perpe-
tuam

tuam memoriam talis facinoris, cuius Sæcul. XVI.
postea haud immerito non sine horrore A.C.1572.
mentio fieri potuit. (*)

§. XXXVI.

(*) Forte etiam cælo, probisque homini-
bus abominationi fuit severitas Eliæ, qui
Pseudo - Sacerdotes Baal interfecit, ut Dei
Religionem falso cultu labefactatam vindica-
ret: observandum tamen est, quod Continua-
tor, dum refert horrendas cædes, latrocinia, &
sacrilegas rapinas, quibus Calvinistæ saepius
integras Catholicorum Provincias devastabant,
nunquam de nimia inhumanitate questus fue-
rit: nempe ex cantu noscitur avis. Audit-
tur vero judicium Patris Binner, qui hanc in
rem in suo eruditio[n]is apparatu part. VII.
lib. 3. art. 6. fol. 503. hæc observat: Hugo-
notti in rabiem atti scriptis etiam libellis Regem
vehementer sunt infectati, qui tamen a doctissi-
mis Jurisconsultis, Jacobo Cujacio, & Vito
Fabro solide sunt confutati, & quo demum res
evaderent, si Regibus non esset integrum, in
rebelles subditos, quietisque publicæ turbatores
animadvertere? Nempe, ut volunt Sectarii,
licuit Calvinistis sacra omnia contaminare, Re-
gnum evertere, conjurare, Regique infidias
struere, exterum militem in patriam armare,
multa mortalia millia iniquissime interficere.
At Regi sceleratos plectere non licuit, ut Re-
ligionem, & Regnum servet. Quod Polotrotus

D 5

infi-

Sæcul. XVI.

A.C. 1572.

§. XXXVI.

*Regis edictum circa cædem in Festo
sancti Bartholomai patratam.*

Thuan.

pag. 827.

Eadem die, qua Rex in Parisiensi Se-
natū pro tribunali sedebat, edictum
promulgari jussit, quo idem, prout nu-
perrime fassus est, rursus hæc testaba-
tur: „quidquid hac in re accidit, ex meo
difer-

*infligante Beza, & Colinio Franciscum Ducem
Guisum, Religionis vindicem seu sicarius, &
latro occiderit, laude non caret: sed quod Rex
eundem Colinium, per duodecim jam annos
toties perduellēt, tot publicis criminibus reum
fusulēt, ingens scelus est. Laudant Calvi-
nistæ Henricum III., quod Henricum Guisum,
ejusque fratrem Cardinalem, sacri foederis ca-
pita, trucidari p̄ceperit: sed quod Carolus
IX. Casparem Colinium, Calvinistarum tunc
caput, Galliæ incendiarium, ad pœnam voca-
rit, facinus ipsis est, omni dignum opprobrio.
Proprium Regem, inaudito exemplo, sententia
velut judiciali condemnatum, carnificis manu
obtruncant Calvinistæ in Anglia, & hoc laudi-
bus eorum celebratum fuit. Solus Carolus IX.
Rex Franciæ, rebelles subditos, proditores,
& eversores patriæ, toties Majestatis reos,
tollere e medio non potuit; sed tolerare debuit,
ut pergant conjurare, insidiari, macclare, per-
dere, totumque regnum in extremas calam-
itates conjicere.*